

## CONVOCATORIA DE AXUDAS A ENTIDADES LOCAIS DE GALICIA PARA O FINANCIAMENTO DE ACTUACIÓN EN MATERIA DE RESIDUOS DE COMPETENCIA MUNICIPAL PARA O ANO 2022 (CÓDIGO PROCEDIMIENTO MT975M)

A Consellería de Medio Ambiente, Territorio e Vivenda lanza unha convocatoria de axudas a entidades locais de Galicia co obxecto de implementar medidas para avanzar na xestión dos residuos domésticos de competencia municipal, conforme aos obxectivos establecidos no Plan de Xestión de Residuos Urbanos de Galicia 2010-2022 e na liña do contexto normativo comunitario para acadar unha Europa Eficiente no uso dos recursos. Para acadar unha xestión eficiente dos recursos e dos residuos é imprescindible reforzar o principio de xerarquía nesta xestión de acordo co modelo de economía circular, que prioriza a prevención na xeración de residuos, seguido, nesta orde, da preparación para a reutilización, do reciclado, doutras formas de valorización (incluída a enerxética) e, por último, da eliminación (o depósito en vertedoiro, entre outras).

A tal fin, con estas axudas promóvese especialmente a implantación de proxectos por parte de entidades locais conformes ao esquema de prioridades do principio de xerarquía en materia de residuos, en particular, proxectos destinados a:

- a) Favorecer a redución do depósito en vertedoiro.
- b) Reducir as emisións de gases de efecto invernadoiro, contribuíndo a loita contra o cambio climático.
- c) Contribuír ao alongamento da vida útil dalgúns produtos e ao incremento da dispoñibilidade de materias primas secundarias para os procesos industriais, reducindo o consumo de materias primas virxes, en definitiva, a facer un uso máis eficiente dos recursos dispoñibles.
- d) Favorecer a separación dos residuos de características especiais, a través dunha axeitada clasificación, que facilitará as operacións de recuperación, reutilización e reciclado dos materiais.

Esta convocatoria que se fai pública para os anos 2022 -2025 prevé a posibilidade de que poidan acceder a estas axudas as entidades locais municipais e supramunicipais e as



agrupacións de entidades locais de Galicia, de acordo ao establecido na Lei 13/2015, do 24 de decembro.

O procedemento que rexerá a concesión das subvencións será o de **concorrenza competitiva**.

### Liñas subvencionables.

- Liña 1. **Novos Puntos Limpos:** Proxectos de construción de instalacións municipais para a recollida separada dos distintos fluxos de residuos, Puntos Limpos. O importe máximo da subvención acadada non poderá superar os 300.000€.
- Liña 2. **Melloras nos Puntos Limpos existentes:** Proxectos de mellora das condicións das instalacións municipais para a recollida separada dos distintos fluxos de residuos, Puntos Limpos. O importe máximo da subvención acadada non poderá superar os 130.000€.

O financiamento máximo outorgado para as actuacións reguladas nesta orde de axudas non excederá o **90% do custo total subvencionable ata o importe máximo ou contías máximas considerados polas bases reguladoras**.

### Beneficiarios

Poderán ser beneficiarias as entidades locais municipais e supramunicipais e agrupacións de entidades locais de Galicia, de conformidade coas competencias que lles correspondan en materia de xestión de residuos.

Non será subvencionable dentro da liña 1, a construción dun Punto Limpo nun termo municipal no cal xa exista na actualidade un Punto Limpo.

Non serán subvencionable, dentro da liña 2, proxectos de mellora en instalacións de Puntos Limpos que non se atopen no momento da solicitude, autorizados ou en trámite de autorizar.

### Actuacións subvencionables e requisitos

1. Ao abeiro desta orde de axudas serán subvencionables as actuacións que se citan de seguido para cada liña de axuda.



**a) Liña 1. Novos Puntos Limpos: Proxectos de construción de instalacións municipais para a recollida separada dos distintos fluxos de residuos, Puntos Limpos.**

Serán subvencionables ao abeiro deste punto proxectos e actuacións que teñan por obxecto construción de instalacións municipais para a recollida separada dos distintos fluxos de residuos, Puntos Limpos, con obxecto tanto de potenciar a súa reciclaxe ou outra forma de valorización, como de reducir a cantidade de residuos que se destina a eliminación.

Os conceptos financiáveis dentro deste tipo de proxectos son os que se recollen a continuación:

- a) Acondicionamento do terreo necesario.
- b) A obra civil necesaria para a cimentación, firme e pavimentado da superficie do punto limpo, muros de contención e viais de acceso ás zonas de achega dos residuos.
- c) As instalacións de redes de subministracións (electricidade, auga, etc.) e de saneamento.
- d) Cubertas para a zona de almacenamento de residuos, que pola súa exposición ao sol e á auga véxanse prexudicados para a súa reciclaxe ou valorización posterior. En particular os residuos de RAEE, pilas, téxtiles, vernices e outros residuos domésticos perigosos.
- e) Impermeabilización e recollida de derrames da zona de almacenamento de residuos perigosos.



- f) Compra de contedores e gaiolas apropiadas para o almacenamento das distintas fraccións de residuos. Teranse en conta especialmente aqueles proxectos que presenten un aumento das fraccións recollidas separadamente, en especial as relacionadas con téxtiles e residuos domésticos perigosos. Neste concepto inclúense tanto contedores metálicos, gaiolas ou andeis.
- g) Básculas para pesado de entradas e saídas de residuos.
- h) Ferramentas informáticas (incluído software) para o rexistro tanto de entradas como de saídas de residuos (arquivo cronolóxico telemático).
- i) Instalacións destinadas á preparación para a reutilización, xa sexa para o almacenamento separado dos residuos susceptibles de ser preparados para a reutilización como para a comprobación ou o tratamento.
- j) Elementos de información no propio punto limpo sobre as condicións de entrega adecuada dos residuos, tales como carteis, paneis ou sinalización.
- k) Melloras no control de acceso á zona de almacenamento de residuos tales como peches perimetrais, sistemas de control de acceso, peches de zonas de almacenamento , sistemas de videovixilancia, alarmas, etc.
- l) Formación para o persoal do punto limpo en materia de preparación para a reutilización con obxecto de seleccionar adecuadamente aqueles residuos susceptibles de ser preparados para a reutilización.
- m) Servizos complementarios á execución da obra, tales como honorarios de redacción de proxecto, dirección de obra e coordinación de seguridade e saúde.

Non se financiarán alugueiros nin o pago de servizos a terceiros .

No caso de que o proxecto, ou determinados conceptos do mesmo, afecten a fluxos de residuos cubertos pola responsabilidade ampliada do produtor, non será financiable a parte atribuíble á responsabilidade ampliada do produtor.

**b) Liña 2. Melloras nos Puntos Limpos existentes: Proxectos de mellora das condicións das instalacións municipais para a recollida separada dos distintos fluxos de residuos, Puntos Limpos.**

Serán subvencionables ao abeiro deste punto proxectos e actuacións que teñan por obxecto a mellora de instalacións municipais para a recollida separada dos distintos fluxos de residuos, Puntos Limpos, con obxecto tanto de potenciar a súa reciclaxe ou outra forma de valorización como de reducir a cantidade de residuos que se destina a eliminación.

Os conceptos financiáveis dentro deste tipo de proxectos son os que se recollen a continuación:

- a) Acondicionamento do terreo necesario.
- b) A obra civil necesaria para a cimentación, firme e pavimentado da superficie do punto limpo, muros de contención e viais de acceso ás zonas de achega dos residuos.
- c) As instalacións de redes de subministracións (electricidade, auga, etc.) e de saneamento.
- d) Cubertas para a zona de almacenamento de residuos, que pola súa exposición ao sol e á auga véxanse prexudicados para a súa reciclaxe ou valorización posterior. En particular os residuos de RAEE, pilas, téxtiles, vernices e outros residuos domésticos perigosos.



- e) Impermeabilización e recollida de derrames da zona de almacenamento de residuos perigosos.
- f) Compra de contedores e gaiolas apropiadas para o almacenamento das distintas fraccións de residuos. Teranse en conta especialmente aqueles proxectos que presenten un aumento das fraccións recollidas separadamente, en especial as relacionadas con téxtiles e residuos domésticos perigosos. Neste concepto inclúense tanto contedores metálicos, gaiolas ou andeis.
- g) Básculas para pesado de entradas e saídas de residuos.
- h) Ferramentas informáticas (incluído software) para o rexistro tanto de entradas como de saídas de residuos (arquivo cronolóxico telemático).
- i) Instalacións destinadas á preparación para a reutilización, xa sexa para o almacenamento separado dos residuos susceptibles de ser preparados para a reutilización como para a comprobación ou o tratamento.
- j) Elementos de información no propio punto limpo sobre as condicións de entrega adecuada dos residuos, tales como carteis, paneis ou sinalización.
- k) Melloras no control de acceso á zona de almacenamento de residuos tales como peches perimetrais, sistemas de control de acceso, peches de zonas de almacenamento, sistemas de videovixilancia, alarmas, etc.
- l) Formación para o persoal do punto limpo en materia de preparación para a reutilización con obxecto de seleccionar adecuadamente aqueles residuos susceptibles de ser preparados para a reutilización.

- m) Servizos complementarios á execución da obra, tales como honorarios de redacción de proxecto, dirección de obra e coordinación de seguridade e saude.

Non se financiarán alugueiros nin o pago de servizos a terceiros .

No caso de que o proxecto, ou determinados conceptos do mesmo, afecten a fluxos de residuos cubertos pola responsabilidade ampliada do produtor, non será financiable a parte atribuíble á responsabilidade ampliada do produtor.

2. Os proxectos que se presenten para optar á presente convocatoria deberán observar os seguintes requisitos:

a) Aos efectos da presente orde non será subvencionable dentro da liña 1, a construción dun Punto Limpo nun termo municipal no cal xa exista na actualidade un Punto Limpo. Entenderase como Punto Limpo unha instalación de recollida separada e almacenamento temporal de residuos de competencia municipal que, polo seu volume ou perigo, deben ser recollidos e depositados en instalacións específicas.

b) Os proxectos de construción de nova instalación de Punto Limpo deben contemplar o teitado e peche da zona de almacenamento de RP e RAEE, así como a impermeabilización e a instalación de sistemas de recollida de derrames na zona de Residuos Perigosos e RAEE. Estes proxectos deben contemplar a recollida dos residuos téxtiles e dos residuos domésticos perigosos.

c) Non serán financiáveis, dentro da liña 2 da presente orde, proxectos de mellora en instalacións de Puntos Limpos que non se atopen no momento da solicitude, autorizados ou en trámite de autorizar.

d) Os proxectos presentados deberán incorporar elementos de compra pública verde ou ecolóxica. A prestación de servizos ou a compra de materiais, equipamentos ou



medios de recollida e transporte deberán contemplar criterios ecolóxicos acordados cos obxectivos ambientais relacionados co cambio climático, a utilización dos recursos e a produción e o consumo sostibles (ecodeseño, emprego de materiais reciclados e/ou reciclables, eficiencia enerxética, redución de emisións, redución da pegada de carbono, economía circular, entre outros) que contribúan a reducir o seu impacto ambiental.

e) A entidade local deberá de comprometerse ao cumprimento da normativa sectorial en materia de residuos destas instalacións, así como á solicitude ou modificación da súa autorización e correspondente inscrición no Rexistro de Produtores e Xestores de Galicia, segundo sexa necesario.

f) Será obrigatorio que, na fase de xustificación da axuda, a instalación conte coa autorización pertinente para levar a cabo a actividade.

g) Aos efectos da presente convocatoria teñen a consideración de residuos especiais de competencia municipal aqueles residuos que carecen de sistemas ordinarios de recollida pero que son susceptibles de recuperación ou necesitan recollese separadamente debido ás súas especiais características (aceites vexetais usados, téxtiles, voluminosos, etcétera).

### Documentación a presentar

- O Anexo I (formulario da solicitude) que será subscrito directamente polas persoas que ostenten a súa representación. A presentación da solicitude implica o coñecemento e a aceptación das bases reguladoras. Este anexo debe completarse coa documentación sinalada no artigo 7 da Orde:
- Acreditación do nomeamento do representante da entidade local solicitante.
- Anexo II. Certificación do acordo adoptado polo órgano competente en que conste a decisión da entidade ou entidades locais de solicitar a subvención ao abeiro destas bases reguladoras. Certificación de que a entidade solicitante remitiu ao Consello de Contas de Galicia, as contas do último exercicio orzamentario a que legalmente está obrigada. Nesta certificación deberá quedar acreditado que a





remisión das contas se efectuou antes do vencemento do prazo de presentación de solicitudes.

- No suposto de que a entidade local achegue fondos ao proxecto/actividade/actuación para a que se solicita subvención, para os efectos do establecido en relación cos criterios de valoración, achegárase tamén declaración responsable en que se faga constar que se dispón de crédito suficiente no orzamento da entidade local para o pagamento da parte proposta para o cofinanciamento pola súa banda.
- Anexo III. Declaración, por parte da entidade solicitante, do compromiso en relación coa execución de actuacións do plan de recuperación, transformación e resiliencia (PRTR) no senso do artigo 8, apartado 2.e), da Orden HFP/1030/2021, do 29 de setembro, do Ministerio de Facenda e Función Pública, pola que se configura o sistema de xestión do Plan de Recuperación, Transformación e Resiliencia.
- Declaración responsable das capacidades da nova instalación (capacidade máxima e normal) e da poboación potencialmente atendida polo novo Punto Limpo, atendendo a posibles acordos de servizo entre diferentes concellos.

No caso de solicitudes relativas á **Liña 1, "Novos Puntos Limpos"** ao abeiro desta convocatoria, **deberase presentar:**

- Anexo I a) debidamente cumprimentado.

- **Memoria técnica** Liña 1. Un único arquivo titulado "*Memoria\_técnica\_Liña1*" (máximo 8 páxinas).

A memoria do proxecto deberá incluír, como mínimo, os seguintes contidos:

- Tipoloxía e nome do proxecto.
- Breve descrición do proxecto presentado.
- Identificación e datos de contacto do responsable técnico.
- Orzamento resumido das actuacións a solicitar ( tendo en conta que o IVE non é subvencionable).
- Programación temporal (cronograma) para o desenvolvemento do proxecto en correspondencia coas previsións de gastos incluídos no orzamento que se remita e tendo en conta o contemplado nestas bases reguladoras.
- Indicadores e medidas de seguimento.
- Resultados esperados (residuos recollidos, en quilogramos, por tipoloxía de residuos).

- Compromiso de cumprimento da normativa sectorial en materia de residuos, e de inscrición no Rexistro de Produtores e Xestores de Galicia.
- Documentación acreditativa que xustifique o cumprimento dos requisitos establecidos no artigo 3, apartado 2, para a Liña 1 de *Novos Puntos Limpos*.
- Documentación que considere oportuna para os efectos do establecido no artigo 14 desta orde para a liña 1 de "*Novos Puntos Limpos*", co fin de que a comisión de avaliación poida avaliar o cumprimento ou non dos criterios fixados para a valoración e relación das solicitudes presentadas ou declaración responsable, de ser o caso, que permita deixar constancia do seu cumprimento.

No caso de solicitudes relativas a **liña 2**, "*Melloras nos Puntos Limpos existentes*", ao abeiro desta convocatoria, deberase presentar:

- Anexo I b.) debidamente cumprimentado.
- **Memoria técnica** Liña 2. Un único arquivo titulado "*Memoria\_técnica\_Liña2*" máximo 8 páxinas.

A memoria do proxecto deberá incluír, como mínimo, os seguintes contidos:

- Tipoloxía e nome do proxecto.
  - Breve descrición do proxecto presentado.
  - Identificación e datos de contacto do responsable técnico.
  - Orzamento resumido das actuacións a solicitar ( tendo en conta que o IVE non é subvencionable).
  - Programación temporal (cronograma) para o desenvolvemento do proxecto en correspondencia coas previsións de gastos incluídos no orzamento que se remita e tendo en conta o contemplado nestas bases reguladoras.
  - Indicadores e medidas de seguimento.
  - Resultados esperados (residuos recollidos, en quilogramos, por tipoloxía de residuos).
- Compromiso de cumprimento da normativa sectorial materia de residuos, e de inscrición no Rexistro de Produtores e Xestores de Galicia.
  - Documentación acreditativa que xustifique o cumprimento dos requisitos establecidos no artigo 3, apartado 2, para a Liña 2 de *Melloras de Puntos Limpos*.

- Documentación que considere oportuna para os efectos do establecido no artigo 14 desta orde para a liña 2 de *Melloras de Puntos Limpos*, co fin de que a comisión de avaliación poida avaliar o cumprimento ou non dos criterios fixados para a valoración e relación das solicitudes presentadas ou declaración responsable, de ser o caso, que permita deixar constancia do seu cumprimento.

### Prazos

O **prazo de presentación** de solicitudes será **dun mes**, a contar dende o día seguinte á publicación da convocatoria no DOG.

O período subvencionable será, con carácter xeral, o comprendido **entre o 01 de marzo de 2020 e o 30 de novembro de 2025, ambos incluídos**.

A data límite para executar o proxecto e presentar a documentación xustificativa dos investimentos será do 30 de novembro do ano correspondente á anualidade á que se impute o orzamento, da seguinte maneira:

- a) O 30 de novembro de 2022 para os gastos que se imputen ao presuposto correspondente ás anualidades 2020, 2021 e 2022.
- b) O 30 de novembro de 2023 para os gastos que se imputen ao presuposto correspondente á anualidade 2023.
- c) O 30 de novembro de 2024 para os gastos que se imputen ao orzamento correspondente á anualidade 2024
- d) O 30 de novembro de 2025 para os gastos que se imputen ao orzamento correspondente á anualidade 2025

Non serán subvencionables os proxectos concluídos materialmente na data de presentación da solicitude.

Pero ollo, **os proxectos deben ser executados de maneira progresiva, imputando gastos nos catro períodos de xustificación de gastos**.